

12 經脈 始動 所生病

☞ 肺手太陰之脈，

是動則病 肺脹滿，膨膨而喘欬，上盆中痛，

甚則交兩手而瞽¹⁾，此為臂厥。

是主肺所生病者，欬上氣，喘渴²⁾，煩心，胸滿，

臑臂內前廉痛厥，掌中熱。

☞ 大腸手陽明之脈，

是動則病齒痛，頸腫。

是主津液所生病者，目黃，口乾，𩑦衄，喉痺，

肩前臑痛，大指次指痛不用。

☞ 胃足陽明之脈

是動則病洒洒振寒，善呻，數欠，顏黑，病至則惡人與火，聞木聲則惕然而驚，心欲動，獨閉戶塞牖而處。甚則欲上高而歌，棄衣而走，賁響腹脹，是謂肝厥。

是主血所生病者，狂瘧溫淫，汗出，𩑦衄，口喎，

脣胗，頸腫，喉痺，大腹水腫，膝臏腫痛，循膺乳，

氣街，股伏兔，肝外廉，足跗上皆痛，中指不用。

☞ 脾足太陰之脈，

是動則病舌本強，食則嘔，胃脘痛，腹脹，善噫，得後與氣則快然如衰，身體皆重。

是主脾所生病者，舌本痛，體不能動搖，食不下，

煩心，心下急痛，澹瘕泄，水閉，黃疸³⁾，

不能臥，強立股膝內腫，厥，足大指不用。

☞ 心手少陰之脈，

是動則病噎乾，心痛，渴而欲飲，是為臂厥。

是主心所生病者，目黃，脅痛，臑臂內後廉痛，

掌中熱痛。

☞ 小腸手太陽之脈，

是動則病噎痛，頷腫，不可以顧，肩似拔，臑似折。

是主液所生病者，耳聾目黃，頰腫，頸，頷，肩。

、臑、肘、臂外後廉痛。

☞ 膀胱足太陽之脈，

是動則病 衝頭痛，目似脫，項如拔，脊痛，腰似折，髀不可以曲，臑如結，踠如裂，是為蹠厥。

是主筋所生病者，痔，瘡，狂，癩疾，頭顛⁴⁾項痛，目黃淚出，𩑦衄，項，背，腰，尻，臑，踠，脚皆痛，小指不用。

☞ 腎足少陰之脈

是動則病 饑不欲食，面如漆柴，欬唾則有血，喝喝而喘，坐而欲起，目眈⁵⁾眈如無所見，心如懸若饑狀。

氣不足則善恐，心惕惕如人將捕之，是為骨厥。

是主腎所生病者，口熱，舌乾，咽腫，上氣，

噎乾及痛，煩心，心痛，黃疸，腸澼⁶⁾，

脊股內後廉痛，痿厥，嗜臥，足下熱而痛。

☞ 心主手厥陰心包絡之脈

是動則病 手心熱，臂肘攣急，腋腫；甚則脅支滿，

心中憺憺⁷⁾大動，面赤，目黃，喜笑不休。

是主脈所生病者，煩心，心痛，掌中熱。

☞ 三焦手少陽之脈

是動則病 耳聾渾渾焯焯，噎腫，喉痺。

是主氣所生病者，汗出，目銳眦痛，頰痛，耳後肩臑肘臂外皆痛，小指次指不用。

☞ 膽足少陽之脈，

是動則病 口苦，善太息，心脅痛，不能轉側；

甚則面微有塵，體無膏澤，足外反熱，是為陽厥。

是主骨所生病者，頭痛，頷痛，目銳眦痛，缺盆中腫痛，腋腫，馬刀俠癭⁸⁾，汗出振寒，

瘧，胸，脅，肋，髀，膝外至脛，絕骨，外踝前及諸節皆痛，小指次指不用。

☞ 肝足厥陰之脈，

是動則病 腰痛不可以俛仰，丈夫癧疝，婦人少腹腫；

甚則噎乾，面塵，脫色。

是肝所生病者，胸滿嘔逆，飧泄狐疝，遺溺閉癢。